



Галина Афанасьевна
Белова



Александр Яковлевич
Донской



Анна Ивановна
Епова



Николай Васильевич
Игнатов



Иосиф Степанович
Карманов

Отчыл юрö воис: Кулöмдін районысь Сöветской Союзса Герой, Слава ордена тыр кавалер, Социалистической уджывыса Герой, Ленин ордена некымын кавалер - ставныс Тимушевяс. Корсысы да сюрис нöшта öти нималысь морт - Алексей Егорович Тимушев (Керчомъяысь), кодї Великой Отечественной война дырїи öти бойын пасьвартис гранатайсöн вöроглысь нель танк. Сы йылысь и косья гижыштны, мед йöз тöдсны ассыныс геройяссö.

Мыджся гижöдъяс вылö, кодъяс сюрисны кипод улö. Тайö Н.Митюшевалöн «Один против танков» да С.Савельевлöн «Пусть знают о нём все» гижöдъяс. Сувтла бөръя вылас. Мöдöд Белорусской фронта «Фронтвая газета» редакцияысь вöвлöм секретар, отставкаын подполковник С.Савельев Победалы 30 во тырöм водзын юртö вöвлöм фронтöвкыяслы, уна мукöд йöзлы сы йылысь, кызди Коми муын 1908 воын босьтöм Алексей Тимушев гранатайсöн пасьвартис вöроглон сизим танкысь нельöс. Коми герой колис лойон, но взорвитöм нельöд танкыс гусенишанас ёна дойдалис коксö.

Тайö тыш бөрсясы видзöдöмаöсь батальонса боецяс да командиряс, кодъяс танкыслöн пушкакысыс да пулемёткысысь лыйсьöм вöсна абу вермöмаöсь кыпöдчыны атакö. Некод сэки эз тöд, кодї вöлі руд шынеля повтöм салдатöн. Сöмын сэки, кор танкыскöд вермасысь уяс, старшой сержант Н.Суходский (мукöд гижöдъясын Сухоцкий) тшöктас бырöдны сочкысь танкысысь экипажыссö, а ачыс уськөдчас уль муын куйлысь салдат дорö. Сійö вöлöма ловъя, но, кызди пасйылім нин, öтар коксö жугöдöма танк. Гимнастёрка зепсыс взводса командирос вежысь кыскас красноармейской книжка да сэтгысь лыддяс, мый повтöм салдатöн вöлöма коми морт Алексей Тимушев. Война кусöм водзын, а стöдчжыка кö, апрель 19 лунö 2-öд Белорусской фронта газетын петас А.Тимушевлөн подвиг йылысь «Пусть знают о нём все» гижöд, поэт Михаил Матусовский сылы сиас кывбур, кодс, кызди гижö казтыштлөм нин С.Савельев, абу йöзöдлöма поэтлөн ни öти сборникын. Та вöсна лыддя коланаөн вайöдны кывбурсö дзоньнас:

Возникнув из кромешной темноты,
Шла смерть сама, горбатая, стальная,
Весенние деревья и кусты
Тяжелою пятою приминая.

Тогда он молча вырос перед ней,
На верное оружие надеясь.
Вопрос решался просто: кто сильней -
Четыре танка или он, гвардеец?

Он ожидал, чтоб встретить их в упор.
Здесь не людское надо бы упорство...
Но человек со сталью начал спор,
В неравное вступил единоборство.

Он рукавом стирал холодный пот...
Благословенна ярость боевая!
Он сам себе скомандовал: «Вперед!»,
Гранату за гранатой доставая...

...Когда-нибудь, вернувшись в тихий сад,
Из бронзы, из гранита или меди
Художники России захотят
Поставить вечный памятник Победе.

Тогда послушный камень и металл
Пусть воскресят
гвардейский подвиг снова.
Пусть скульптор вознесет на пьедестал
Фигуру Алексея Тимушева.

Чтоб так вот и осталось на века -
Неутомимой и до боли сжатой,
Живая беспощадная рука
С еще не разорвавшейся гранатой.

Нöшта меным сюрис 1948 вося «Войвыв кодзув» журналысь вöвлöм фронтöвик, республикаса народнöй поэт Серафим Алексеевич Поповлөн «Боецлөн бессмертие» очерк. Менлы вылö выльтöрийöн лоис сійö, мый война вылö Алексей мунис эз öтнас, а кык аросөн ичöтджык Михаил вокыскöд. Ас окота серти военкоматын эз босьтны, корисны вичысьлыны. Дыр вичысьны эз ковмы. Кызди гижö С.А.Попов, öрүжие кианыс босьтыгтöм коми зоньяс лоисны воиньясöн. Дас квайтысь войвывса

КЕРЧОМЪЯСА ГЕРОЙ

кыйсысыс ветлісны разведкаö. Отчыл Алексей Тимушев вочаасис дас нель белофиннкöд да ставнысö шырис автоматкысь, ачыс колис лойон.

«Гвардейской дивизия штурмуйтö Кенигсберг. Полкъяс, кодъяс босьтисны Печенга да Киркенес, жугöдисны враглысь оборона.

Батальоны водзö мунны оз сет вражеской дзот.

- Командир ёрт! - шыöдчö боец ротаса командир динö. - Разрешитöй расправитчыны...

Боец кыпöдö юр весьтас кисö противотанкөвой гранатаөн.

Рыглөн пемыдыс дзёб сійöс вражеской наблюдательясысь. Сыын, воинын, öни ёртъясылөн надея, дзонь батальонлөн водзö мунон вылö успех. Сидзкö, колö воодчыны, кыссыны, бырöдны бион сёласысь огневой точкасö.

Ульсов лым тыртö боецлысь чужомсö, сылö да, ньылöмкөд öтлаасöмөн, гыла-лö гырысь кодзыд войтысöн. Пулемёт кучкалö веськыдланьö: сидзкö, оз адзыны... Гранатаяс мешайтöны мыджсыны муö. Сёлöмыс дас пасьмунны напряжениесыс.

- Но, мед... колö воодчыны, колö воодчыны!

Дзотöдз колö дас метрысь этпаджык. Пыранинöдз сьöда жервидзысь щель. Сидзкö, татчö... Боец чечыштö кокъяс вылö, котöртö водзö да сьöкыд гранатасö пыбитö тайö сьöд щельö.

Кор боецяс котöртисны нин сэтї, дзот месаысь адзисны ыджыд сьöд воронка да торпыригöдз орласöм вражеской сизим шой, кодъяс куйлісны пемдöм лым вылын.

Танї жö, бой мунан поле вылын, отважнöй воинылы вручитисны Краснöй Знамя орден. Армиялөн Военнöй Советлөн член топыда кутліс геройлысь кыссьö», - тадзи гижö С.А.Попов Алексей Тимушевлөн уна бой шысь öти йылысь.

Водзынджык гижöм бой, конї миян земляк пасьвартис нель танк, вöлі сёрнджык. Сьöкыда ранитчöм боец бурдїс зэв ньöжйö. И сэки, кор славаыс юргис сы йылысь став фронт пасьта, госпиталь документясын вöлі эз «Тимушев» ов, а «Танк улö веськалöм боец». Мыйла? Да сы вöсна, мый красноармейской книжкаыс Тимушевлөн колис командирьяс ордö.

Менам киö веськалїс 1945 вося июнь 10 лунся «Вөр лэдзысь» газет. Ёна чуйми, кор адзи А.Е.Тимушев йылысь гижöд, кодс кырмавлöма Павел Шеболкин (Выль Паш) на. Тшöтш и сылысь «Руд шынеля морт» юргижöд улын йöзöдöм кывбур. Лыддя коланаөн йöзöдны сійöс.

РУД ШИНЕЛЯ МОРТ


Асья кыа пöртмасьöмөн ворсö,
Коли бара фронтывьса сьöд вой.
Кöнкö кылö петукъяслөн горзöм,
Быгтö танї некор эз вöв бой.

Эн тэ эскы тайö асья лөнлы,
Кöт и сійö öвтö небыд төв...
Медым бойын вöрогъясöс венны,
Колö сюсылун, сосьлун уна пöв.

* * *

Мед жö петук асыводзын сылыс,
Сöмын война ыджыдалö тан.
Вөр дї сайсян джуджыд нöрыс вылö
Вувзысисны враглөн сизим танк.

Зяльскигтыръя шыбитчисны водзö,
Медым чегны фронтлысь вына борд...



Код нö тайö? Öтнас налы воча
Повтöг кыссьö руд шинеля морт.

Код нö тайö? Кодї тайö мортыс?
Öтнас сизим зверкөд нуö тыш...
Кöнї сылөн, збой геройлөн, гортыс?
Кыссысь мортлысь адзам сöмын мыш.

Сійö сувтис. Кыпöдїс граната...
Танкъяс водзын укнитис ён взрыв...
Смертысь повтöг сувтис сійö татчö,
Сизим танккөд панис чорыд тыш.

Чорыд взрывъяс поткөдлөны сынöд.
Руд шинеля воин öтнас тан.
Йöз шуд вöсна багатырскöй вынөн
Повтöг панис öтнас чорыд вен.

Нельöд танк нин нöрыс йылын соччö.
Морт друг уси. Эз шу öти кыв...
Кык скорс воин кыпöдчисны орччөн,
Бушколөн кызд кыштö ярмөм гы.

Код нö тайö руд шинеля мортыс
Сотчысь танкъяс повстын куйлö чöv?
Кöнї сылөн чужаніныс, гортыс? -
Юалöмлы вочакыс эз вöv.

* * *

Дзюляник гөрд книжка ставсö восьтис,
Быдөн тöдїс, кодї сійö эм.
Санитар сөк ордас сійöс босьтис,
Кодї сизим танккөд нуис вен.

Тимушевöн шуöны геройöс,
Коми муын сылөн чужані.
Сійö ловъя. Вылысь петас бойö.
Уна пöв на кывлам сылысь ним.

П.Шеболкин.

А öнї коала: унаөн-ö тöдöны Алексей Егорович Тимушевлөн подвиг йылысь? Веськыда шуа: республикаын пöшти оз тöдны. Меным лои зэв любö, мый А.Е. Тимушевöс - Евсей Öндрей Егор Олексейöс (тадзи сійöс тöдöны чужан Керчомъя сиктас - В.П.) абу на вунöдöмаöсь ас районас. Тадзи ме верма висьтавыны сы вöсна, мый Керчомъяö волгöн сиктас ветеранъяслөн котырөн юрнуöдысь Нина Александровна Самарина петкөдліс меным А.Е.Тимушевлысь фотография, кутшöмсюрö гижöдъяс, лыддйöдліс йöзöс, кодъяс бура тöдлöмаöсь ассыныс земляк-геройс. Пыралім рöдвуж ордас. Найö сидзи жö, кызди и Нина Александровна, висьталісны, мый Алексей Егорович воис госпитальысь протеза кока. Первойсö вöлі колхозса юралысьöн, а сэсся пöжаліс нянь. Татьяна Ивановна гöтырыскöд кайлісны Важ Зимстанö, конї сидзжö пöжалісны вөр кылöдысыясы нянь. Бöрынджык вуджис Носим лесопунктö, кыпöдїс Паспöмын керка. Алексей Егорович бара пöжаліс нянь. Гозьялөн вöлі кык пи: Иван (сійö войліс) да Александр (кыскаліс машинаөн вөр).

Н.Митюшева серти, Алексей Егорович 1953 воын помаліс электромеханикъясысь курсыс, сэсся уджаліс вөр порöдысыяслөн Носим посёлокын слесаринструментальщикөн.

Н.А.Самарина висьталіс, мый 1965 воын А.Е.Тимушев ветліс Москваö Победалөн юбилейнöй парад вылö. И колö жö лоны - паньдасис частьса командирьскöд. Мöдыс и юалас:

- А конї тэнад наградакыс, Геройлөн Звездад?

Вöвлöм ефрейтор и шуас, мый сылөн некутшöм награда, непöштö зарни звезда, абу.

- Кызди сидзи?

И кутасны кык нырөн ветлöдлыны инстанциясöд. Тыдовтчас, мый Геройыдысь Звездатö сійö тышысь сетöмаöсь мöдлы. Мый вöчны? А нинöм. Ог жö öд Геройлысь Звездасö мортлысь бөр мырддöй - тадзи вочавидзöмаöсь ыджыд чина йöз.

Сетöмаöсь Москваö ветлöм бöрын Тимушев ёртлы, кызди войнаса инвалидлы, «Запорожец» машина, кутöмаöсь мынтыны, кызди инвалидлы, сьöм. И быгтö селтöмаöсь весиг кутшöмкö орден. Кутшöмөс - некод бура оз тöд. Н.А.Самарина висьталö, быгтö пасйылöмаöсь Богдан Хмельницкий орденөн. Но татшöм орденнас вöлі пасйöма гвардейской дивизиясö, конї служитліс А.Е.Тимушев.

Юала Эква йывса войтырлысь: абу-ö кад шыöдчыны Россияса президент дорö корöмөн, медым коть «посмертно» гижöдөн сетны Алексей Егорович Тимушевлы Россияса Геройлысь ним? Ассян шуа: шыöдчыны колö.

Газет лыддысысь, дерт жö, казялісны, мый автор оз казтысь Алексей Егоровичлысь Михаил воксö. Памят книганы пасйöма, мый сійö «пропал без вести». Михаиллөн Доментий шыс корсис оборона министрстволөн шöр архивысь да адзис, мый батысь погібнитис Кенигсберг дорын деревня мездигөн. Гуалöмаöсь сійöс öтувъя шойнаö.

Помала ассьым гижöдс сійөн, мый йöз (сэки челяд на, öнї, позьö шуны, олöма нин войтыр), кодъяс тöдлісны Алексей Егоровичöс, казтылөны сійöс бурөн да весиг интереснöй висьтасысьöн. Кодсорöс новлöдльвlöма весиг «Запорожецна». Гуалöмаöсь А.Е.Тимушевöс Кебангёльса шойнаö.

Василий ПОПОВ.